

10. ՆԱԶԱՐ—ՕՂԼՈՒ ՀԵՔԻԱԹԸ

Ժամանակով մի թաքավոր ա ըլնում. էդ թաքավորին էլ, իրա արհաւիրքն էլ ժառանգ չի ըլնում: Օրերից մի օր մի դարվիշ մտնում ա թաքավորի թախտը, բարով ա տալի, ասում ա.— Թաքավորը սաղ ըլի, խի՞ ես ըտենց տխուր-տրտում նստել:

Թաքավորն ասում ա.— Դարվիշ, ի՞նչ քու բանն ա, առ բաժինդ ու գնա:

Դարվիշն ասում ա.— Ես բաժին չեմ ուզում, համա պըտի ասես, թե խի՞ ես ըտենց տխուր:

Թաքավորը մտածում ա, ասում ա.— Շատ լավ կըլի, ասե՛մ, դարվիշները ըտենց բաների ղոչաղ են:

Ասում ա.— Դարվի՛շ, ես էլ, իմ արհաւիրքն էլ զավակ չունենք, մտածում եմ, թե մեր վերջի օրը մեր օջաղը ո՛վ պըտի ծխի:

Դարվիշն ասեց.— Թաքավորը սաղ ըլի, թե որ ինձ իրավունք տաս, ընենց բան կանեմ, որ երկուսդ էլ ժառանգ ունենաք:

Թաքավորն ասեց.— Ինչ որ սիրտդ ուզի՝ կտամ, թաքլի էտ բանը անես:

Դարվիշը հանեց էրկու հատ խնձոր տվուց թաքավորին, ասեց.— էտ միսը դու քո կնկա հետ կեր, էն էլ քու արհաւիրքը իրա կնկա հետ ուտի: Կգա ժամանակը, էրկսիդ կնիկն էլ տղա կբերի: Ինչ ժամանակ որ տղեքը կըլնի՝ ինձ կկանչեք, ինչ որ ձեր սիրտը կուզի, հախ կտաք:

Գալիս ա իննը ամիսը, իննը օրը, իննը սահաթը, իննը դախ-

կեն թամամըմ ա, էրկսի կնանիքն էլ թեք են՝ ընկնըմ՝ տղա են բերըմ:

Թաքավորն ասըմ ա.— Գնացե՛ք, էտ դարվիշին քթեք բերեր:

էթըմ են դարվիշին բերըմ են, էտ էրեխոնցը մկրտըմ են, թաքավորի տղի անըմը դնըմ են Նաչար-Օղլի, ախպոր տղի անըմն էլ դնըմ են Միրզա-Վալի: Դարվիշին էլ իրա կշռով մին ոսկի են տալի, ճամփա քցում:

էրեխեքը մենձանըմ են, դառնըմ են տասը տարեկան: Թաքավորի տղեն շատ դվաթով ա ըլնըմ, ընենց որ դուա ա գալի իրա հընգեր էրեխեքանց հետ հաղ անելու, մընի կուռն ա ջարթըմ, մընի գլուխն ա կոտորըմ, բարդիքը քաշ ա անըմ, էրեխեքանցը դնըմ վրնն, բաց թողըմ, մեկը վեր ա ընկնըմ մեռնըմ, մեկը ընկնըմ ա՝ մեշկը կոտորվըմ, մեկը նվաղըմ ա՝ չոր փետ ա դառնըմ, ընենց որ գոհ ու զանգատը ընկնըմ ա քաղաքի մեշ: Քաղաքացիք թոփ են ըլնըմ, էթըմ են թաքավորի կուշտը զանգատ:

Ասըմ են.— Թաքավորը սաղ ըլի, ըտենց բան չի՛ ըլի, տղիդ խրատ տու, մեր էրեխեքը կոտորեց:

Թաքավորը ասըմ ա.— Շատ լավ, ես իմ տղի վճիռը կկտրեմ, թե աստված ինձ տղա էր տալու՝ թող խելոքը տար, խի՛ էր էտ գիժը տալի:

Տղեն գալիս ա տուն, թաքավորը ասըմ ա.— Դու էլ իմ տղեն չես սրանից ետը, թող կորի՛, որ պըտի ինձ իմ ժողովրթի մեշը խալտառակ անես:

Տղեն ասըմ ա.— Շատ լավ, ա՛յ հեր, կէթամ, համա տուր ինձ ծախսը, ձի, որ էթամ:

— Գնա քեզ հըմար մի լավ ձի ջոկա, ինչքան էլ փող ուզըմ ես վե կալ խաղնիցը, մի ձեռք էլ սիւահ կապա վրիդ, գնա՛:

Նաչար-Օղլին էթըմ ա, ձին նի ըլնըմ, փող ա վեր ունըմ ու ընկնում ճամփա, էթըմ: Իրա տեղիցը ընչար Աշտարակ էթըմ ա, տենըմ ա եննուցը մի ձեռն ա գալի, ետ մտիկ անըմ՝ տենըմ էս Միրզա-Վալին ա. կաննըմ ա ընչար գալիս ա, հասնըմ ա, Ասըմ ա.— Միրզա-Վալի, հլա ինձ իմ հերը դուա արեց, դու ո՛ւր ես գալի:

— Զի ըլիլ,— ասըմ ա,— Նաչար-Օղլի, որ դու էթըմ ես, ես էլ պըտի գամ:

— Դե՛,— ասըմ ա,— արի՛ էթանք, բան չկա:

էթըմ են մի քիչ, տենըմ են մի ջհուդ, մի քյահլան ձի նի էլած, գալիս ա:

Ասըմ ա.— Միրզա-Վալի, պըտի էս ձին քու հըմար առնեմ:— Զհուդը հասնըմ ա իրանց, բարև ա տալի:

Ասըմ ա.— էտ ձին շեհ Ժախի, առնեմ:

Զհուդն իրա միշին ասըմ ա. «էնենց գին ասեմ, որ շկարենա առնի, թողա էթամ»: Զին արժի հարիր մանեթ, ինքն էրկու հարիր մանեթ ա ասըմ:

Նաշար-Օղլին ասըմ ա.— Խոջա, մի ձեռք տու տենամ:— Խոջի ձեռը բռնում ա, թափ տալի, ձեռը պըծնում ա՝ խոջեն ընկնըմ մեռնըմ ա, ձին նի են ըլնըմ, էթըմ:

Շատ են էթըմ, քիչ են էթըմ, աստված գիտի, օրը մթնըմ ա. էթըմ են մի ամարաթի թուշ գալի: Դես են ման գալի, դեն են ման գալի, դուռը շեն քթնում: Նաշար-Օղլին գուրզը քաշըմ ա տալիս պատի մի դիհը քանդըմ, Նի են մենըմ հասարի մեշը, ձիանը կապում ներքևը: Միրզա-Վալին մնում ա ձիանոնց կշտին, Նաշար-Օղլին նիլնըմ ա վիրև. էթում ա տենըմ ա ամարաթըմը մի աննման ախշիկ նստած քարգյահ ա անըմ, մի դհիցն էլ լաց ըլըմ:

— Բա՛րով քեզ,— ասըմ ա,— ա՛յ ախշի:

Ասըմ ա.— Հազար բարին էկար:

— Այ տղա, դուշն իր թևովը, օցն իր պորտովը ըստեղ չի գալի. դու ո՞նց ես էկե:

Ասըմ ա.— Դեհ, էկեւ եմ էլի: Ընչի՞ հըմար ես ըստի տըտում-տխուր նստած:

— Ի՛նչ անեմ, ա՛յ տղա,— ասըմ ա,— իմ վեց ախպերը գնացել են կոիվ, ես մնացել եմ ըսենց բալալդու՝ նստած:

Ասըմ ա.— Դվո՞րն են գնացել:

Ասըմ ա.— Դե՛սն են գնացել, քառասուն հոթի դև էն դհիցն ևն կովում, իմ վեց ախպերն էլ էս դհից են կովում:

— Դեհ,— ասըմ ա,— չի ըլի՞լ որ հաց շինես, ես տանեմ քու ախպորտանցը, ես էլ մի դհից բոմակ կըլեմ:

— Շատ լավ կըլի,— ասըմ ա:

— Դե՛հ,— ասըմ ա,— դու հացը շինա, ես էթամ իմ ախպորը

1 Տխուր, (ծանոթ, բաճակալի):

բերեմ թողամ քու կշտին՝ էթամ։— Վեր ա գալի ներքև, ձիանոնցը խոտ ա տալի, առնըմ ա Միրզա-Վալուն էթըմ վիրև,

Ասըմ ա.— Ախլի՛, էս իմ ախպերն ա, թող քու կշտին կենա, ես հացը տանեմ քու ախպորտանցը։

Նաշար-Օղլին հացը վեր ա ունըմ, իրա ձին նստում, էթում, էթըմ տենըմ ա՝ մի գետի վրա քառասուն դև էն կողմից են կռվըմ, վեցն էլ էս կողմից։

Նաշար-Օղլին ինքն իրան ասըմ ա. «Թե էթամ քվորի դհիցը կենամ՝ ասելու են հպարտ հողածին էր, գնաց նրանց դհիցը էլավ. թե շատվորի դհիցը կենամ՝ ասելու են վախեցավ, շատվորի դհիցը էլավ. էթամ մեշտեղը կաննեմ, բարև տամ, որ դիհը բարևս առնի՝ էն դիհն էթամ»։

Գնաց մեշտեղը կաննեց, բարև տվուց. քվորը բարևն առավ, Գնաց քվորի կուշտը։

Ասեց.— Դե՛հ, ետ դառեք, հաց եմ բերե ձեզ հըմար, հաց կերեք։— Կռիվը հարհանդացրին, ետ դառան քաշվեցին մի ղրաղը, նստեցին հաց ուտելու։

Ասեց.— Մի վախենաք, ես աղըզը կպահեմ, ընշար ձեր հաց ուտիր։— Նրանք սկսեցին հաց ուտիլը, ինքն սկսեց կռիվ րաց ասելը. կռվեց քառասունի հետ էլ, որին կոտորեց, որն էլ փախան գնացին։ Վեց ախպերը պրծան, տեհան, որ էս հաց բերողը քառասնին էլ՝ որին կոտորել ա, որին փախցրել, ձիուցը վեր ա էկել, ձին ա ման ածըմ, արինն ու ջուրը խառնվել ա ու էթըմ. էտ վեց ախպերը մնացին սարսափած. իրար ասեցին թե.— Ի՛նչ անենք որ էս մարթու լավութան տակիցը դուս գանք։

Դրանց պուճուր ախպերն ասեց.— Մենք հլա մեր քվոր հըմար ինք կռվում, հարցնենք, տենանք էտ մարթը ով ա, մեր քիրը տանք դրան։

Գնացին ասեցին.— Դու ի՛նչ մարթ ես, որ էտ լավութինը մեզ արիր, մեզ հըմար հաց բերիր, մեր գուշմանին էլ կոտորեցիր։

Ասեց.— Ես այսինչ երկրի թաքավորի տղեն եմ, իմ անըմն էլ Նաշար-Օղլի։

Վեց ախպերն էլ ասեցին.— Համեցե՛ք, էթանք մեզ ղոնաղ։

Նաշար-Օղլին ասեց.— Է՛թանք։

Հնկան ճամփեն ու գնացին։ Գնացին, գնացին հասան իրանց ամուրաթին։ Տեհան, որ իրանց հասարի պատի մի դիհը քանդած

աւ — Վա՛յ, — ասեցին, — մենք մնացինք ամոթով էս տղի կշտին, մենք գնացել ենք կռիվ, էկել են մեր քիբը փախցրել, տարել:

Նաշար-Օղլին ասեց. — Ախպերտինք, խի՞ ըտենց տխրեցիր:

Ասեցին. — Ախպե՛ր, մենք գնացել ինք կռվելու, էկել են մեր քվորը տարել են:

Ասում աւ. — Վա՛խի մեք. էտ պատը ես եմ քանդել, հրեն իմ ախպերն էլ ձեր քվոր կշտին նստած աւ. — Իրար հետ նի են մնում ներսև, ձիանը կապում են, Նի՛լնում են վիրև, տենում են ընդուր պես միմն էլ քվոր կշտին նստած:

— Դե՛, — ասում են, — էս մեր քիրն ա, էս էլ քու ախպերը, մենք հըմի էլանք ութը ախպեր, մեր էս քիրն էլ քեզ ենք տալի, ուզում ես՝ դու առ, ուզում ես՝ տուր ախպորդ:

— Ախպերտինք, որ ինձ եք տալի, ես էլ տալիս եմ իմ ախպորը:

Օխտն օր, օխտը քշեր հարսանիք են անում ու պսակում դրանց:

էտ վեց ախպերը, մեկն էլ Նաշար-Օղլին՝ ամեն օր էկում ին, ավդուշ բերում ին տուն, Միրզա-Վալին ու իրանց քիբը էփում ին, ուտում-խմում, Դրանց քառասուն օթախ ա ըլում, եռեսուն ըննի բլանիքը տալիս են Միրզա-Վալուն, մնի բլանիքը ախշկա ձեռնի ա ըլում, Ախշկանը թամբահ են անում, ասում. — Հը՛, էտ բլանիքը շտաս Միրզա-Վալուն:

Օրերի մի օրը, տունը խուլված ա ըլում, Միրզա-Վալին ասում աւ. — Ախի՛, խի՛ չես էտ օթախի բլանիքը տալիս, տենամ ի՞նչ կա էն օթախումը:

Ասում աւ. — Միրզա-Վալի, աստված վկա հեշ բան չկա ըտի, մենակ. — ասում աւ, — մի բռնավոր կա, էկել էր որ ինձ փախցնի, իմ ախպերտինքը բռնել են, կանգալեքը դրել ոնճերը, ընտեղ կապել ընշար պըտի սոված մնա ընտեղ, որ սատկի:

Ասում աւ. — Չէ՛, պըտի բլանիքը տաս, էթամ տենամ ինչ տեսակ բռնավոր ա:

Վերը ախշկա ճարը կտրվում ա՝ բլանիքը տալիս աւ, ասում աւ. — Միրզա-Վալի, տար դուռը բաց արա, նա քե ա՛լբիալը կճանանլի կասի. «Միրզա-Վալի ջան, հանա թուրդ, ինձ տու, մեռնեմ»: Թուրդ որ տվիր, կասի. «Օխա՛յ, մի՛ն էլ տուր», շտաս, ասա. «Մորիցս մին եմ էլել», թե չէ կսաղանա քեզ կտա, դու կմեռնես:

Միրզա-Վալին բլանիքն առավ, գնաց դուռը բաց արուց, տե-

հավ, օ՛հ, հրեա մինը կանդաւաղեմը կապած, օխտը թիզ միրուքն՝
ա, մի թիզ՝ բոյը:

Ասեց.— Բարո՛վ, Միրզա-Վալի,— ասեց,— հանա թուրդ տո՛ւր,
ես մեռնեմ, բոլ ա ըստեղ տանջվեմ:

Միրզա-Վալին թուրը հանեց ու տվուց:

Ասեց.— Օխա՛յ, Միրզա-Վալի մին էլ տո՛ւր՝ մի լավ մեռնեմ:—
Միրզա-Վալին մին էլ տվուց, ախշիկը հասավ որ կուռը բռնի, չկա-
րաց, օխտը թիզ միրուքը, մի թիզ բոյը կանդաւեքը եռացրեց, կտրը-
տեց, մի սիլլա տվուց Միրզա-Վալու՜ն, Միրզա-Վալին մեռավ, նա
ախշիկը քցեց շալակն ու փախավ:

Իրիկունն օխտն ախպերն ավի տեղիցն էկան. էկան տեհան, որ
տանը ճնա թաս վար, նա համամա՛ն: Վեց ախպերով էլ ալբիալը
իմացան, ասեցին.— Կարող ա դուռը բաց արած ըլի:— Գնացին
տեհան, որ Միրզա-Վալին վեր ընկած, ուշքը գնացած, օխտը թիզ
միրուքը, մի թիզ բոյը չկա, ախշկա՛նը վեր ա կալել, տարել:

Նաչար-Օղլին ասեց.— Ախպերտինք, էս ի՞նչ բան ա:

Ախպերտինքն ասեցին.— Դրան էսա չորս ամիս ա բռնել ինք,
որ էս օթախի միշին սատկեր. քու ախպերը դուռը բաց ա արել, քու
ախպորը տվել ա էս օրը քցել, մեր քվորն էլ վեր ա կալել, տարել:

— Բա,— ասըմ ա,— ո՛ւր պըտի տարած ըլի, տեղը չե՞ք իմա-
նըմ:

Ասըմ ա.— Չէ՛, չենք իմանըմ, նա մի վիրունի բան ա, ով ա
գիտում ո՛ւր ա տարել:

— Դե,— ասըմ ա,— քշերը կքնենք, առավոտը կլիսա՛նա, ես
դրա քամակիցը կէթամ:

Առավոտը վեր են կենում, Նաչար-Օղլին ասըմ ա.— Ախպեր-
տինք, իմ ախպերը քառասուն օր ձեզ ամանաթ, թե ընչար քառա-
սուն օրը էկա՝ էն ա էկա, թե չէկա՝ յա իմ ախպորը սըպանեք, յա
թողեք՝ էթա իրա հոր տունը:

Ասըմ են.— Շատ լա՛վ:

Նաչար-Օղլին նստըմ ա իրա ձին ու ասըմ ա.— Դե՛հ, մնացեք
բարին, ես էթըմ եմ:

Նաչար-Օղլին տանիցը դուս գալուն պես, վեց ախպերը Միրզա-
Վալուն փաթաթըմ են սանիցը, ճրաքը դնում գլխին, շինում են

¹ Բառացի՝ «Ոչ թասը կա, ոչ բաղնիքը», «ոչինչ, ոչ ոք չկա» նշանակու-
թյամբ, (ծանոթ կազմողի):

ճրարթաթ, ասում են.— Քու տեղը էտ ա, մեր քվորը կորցրիր, էն թավուր տղամարթն էլ դենը գնաց, յա գա՛ յա չգա:— Օրը մի ժուժ հաց են տալի, էն էլ քիչ-միչ:

Գանք, խաբարը տանք Նաչար-Օղլուցը:

Նաչար-Օղլին էթըմ ա, շատ ա էթըմ, քիչ, աստված գիտա, տենըմ ա հրես մի տղամարթ մի հանդի գլխի մի ջեյրան բռնած: Էտ ջեյրանը բաց ա թողում, էրկու շաղացաքար ծափ տալով վազըմ ա եննուցը, կալնըմ ա,

Ասըմ ա.— Վա՛յ, էս ինչ թավուր ղվաթի տեր ես, որ շաղացաքարը ծափ տալով էթըմ ես ջեյրանը կալնըմ:

— Տղե՛ն Նաչար-Օղլին ա, որ վեց ախպոր քիրն առել ա, նըստել, ուտըմ-խմըմ ա:

Ասըմ ա.— Ա՛յ տունդ շինվի, ես եմ Նաչար-Օղլին:

Ասըմ ա.— Որ դու ես, ո՛ւր ես էթըմ բա՛:

Ասըմ ա.— Օխտը թիզ միրքավորը, մի թիզ բոյավորը էկել ա իմ կնիկը փախցրել ա, տարել. էթըմ եմ ետեկցը, որ քնեմ:

Ասըմ ա.— Որ ըտենց ա, ես էլ քու ընգերը,— բաց ա թողնըմ ջեյրանին ու ասըմ.— Ջ՛եյրան, գնա՛, քու արևի ձենն ածա՛:

— Մեկ չըլենք, էրկու ըլենք,— ասըմ ա Նաչար-Օղլուն ու էթըմ են, Շատ ու քիչը աստված գիտա, տենըմ են մի ձորի միջի հրես մի մարթ կա, ահագին քարափնեը վեր ա ունըմ, տանըմ իրար գլխի զնըմ:

— Բա,— ասըմ ա,— մարթն էլ էս ղգար ղվաթ կունենա՞, էդ քարափնեը դու դ՛նց ես վեր ունըմ:

Ասըմ ա.— Էս ի՞նչ ղոշաղութին ա, տղեն Նաչար-Օղլին ա, որ վեց ախպոր քիրը առել նստել, ուտըմ-խմըմ ա:

Ասըմ ա.— Ես եմ Նաչար-Օղլին, որ էն օխտը թիզ միրքավորը, մի թիզ բոյավորը իմ կնիկը փախցրել ա տարել, էթըմ եմ քամակիցը:

Ասըմ ա.— Ախպե՛ր, իմ արինն էլ քու արնի հետ, էրկու չըլենք՝ իրեք ըլենք. ես էլ եմ գալի քու հետ:

Էթըմ են մի վայրենի մեջըմ վե գալի: Ըտեղ քար են բերըմ, փեռ են բերըմ, մի դագա են շինըմ, միջին սաքինաթ են անըմ: Որա են զնըմ, օրը մեկը ետ ա ընկնըմ ըտեղ հաց էփըմ, կիրակուր էփըմ, էն էրկուսը էթըմ են ավղուշ: Էտ առաջին սրեն ջեյրան բռնողինն ա:

¹ Ազատ շրջի, (ծանոթ բառապաշար):

Ջեյրան բռնողը օջաղը վառում ա, հացը թխում ա, ավերը¹ էփում ա, ղրաղ ա դնում, մին էլ տենում ա, ըհը՝, հրեա օխտը թիզ միրքավորը, մի թիզ բոյավորը էկավ:

Գալիս ա, ասում ա.— Բարե քե՛զ, ջեյրան բռնող,— ասում ա,— սոված եմ, ինձ մի քիչ հաց տու՝ ուտեմ:— Բռնում ա էրկու հաց ա տալի, էրկու էլ ավ: Մինը մի հացի մեշ ա կոլուում, մինը՝ մի հացի, մինը ճխտում ա մի պլտուխը, մինն էլ ճխտում ա էն մի պլտուխը:

Ասում ա.— Ա՛յ տնաշե՛ն, ծանդր կե, էլի կտամ, ի՞նչ ես ըտենց ուտում:

Օխտը թիզ միրքավորը, մի թիզ բոյավորը քաշում ա մի սիլա տալիս ջեյրան բռնողին, թե.— Դու ո՛վ ես, որ ինձ էտ խոսքը ասում ես:

Ջեյրան բռնողի ուշքը էթում ա, վեր ընկնում: Օխտը թիզ միրքավորը, մի թիզ բոյավորը էլած-չէլածը հավաքում ա, տանում:

Քաշում ա արանքը մի սհաթ, ջեյրան բռնողի ուշքը գլուխն ա գալի, բերում ա մի մեծ շոր փըթաթում ա գլուխը, կրակ անում, որ նորից հաց էփի, որ ախպերտինքը գան ուտեն:

Ընշար դրա հանգը-հունգը, ախպերտինքը գալիս են, տենում են, հլա չի էփե, գլուխն էլ մեծ-մեծ շոր ա փըթաթել:

Նաշար-Օղլին ասում ա.— Խի՛ ես ըտենց:

Ասում ա.— Գլուխս շատ փիս ցավում ա, մեռնում եմ:

— Դե՛հ, — ասում ա, — բան չկա, դու ղրաղ նստի, մենք կէփենք: — էփում են, ուտում, քշերը քնում, առավոտը լիսանում ա, էլի պըտի իրենց գործին էթան, էն օրն էլ սրեն ընկնում ա քարափ վեր ունողին:

Քարափ վեր ունողն էլ բերում ա օջաղը վառում, հաց թխում, ավերը էփում, պրծնում, մին էլ տենում ա օխտը թիզ միրքավորը, մի թիզ բոյավորն էկավ:— Ըհը, — ասում ա, — էս էր ջեյրան բռնողի գլխացավը:

Գալիս ա ասում ա.— Բա՛րե քեզ, քարափ վեր ունող:

Ասում ա.— Բա՛րով, հազա՛ր բարի էկար, հաց բերեմ, կե՛:— Բերում ա իրեք հաց ա տալի, իրեք էլ ավ տալի: Օխտը թիզ միրքավորը, մի թիզ բոյավորը կեա ա ածում, կեսը ճխտում ա մի պլտուխը, կեսը ճխտում մի պլտուխը:

Ասում ա.— Ա՛յ տնաշեն, ծանդր կե, էլի կըտամ կուտես:

¹ Որս, (ծանաթ. բառաձևավի):

Օխտը թիզ միրքավորը տեղիցը վեր ա կեննմ ու դրան սիլլա տալիս: Տալուն պես ուշքը էթում ա. էլած-շէլածը թոփ ա անում, տանում: Մի էրկու ս:աթ անց ա կեննմ, ուշքը գալիս ա գլուխը, բերում մոխր դրնում, էլի հաց էփի, ախպերտինքը հանդիցը գալիս են, տենում են օջաղը նոր վառել ա, ինքն էլ տնքում ա:

Նաշար-Օղլին ասում ա.— էտ ի՞նչ բան ա, որ գլխներդ ցավում ա,

— Դե,— ասում ա,— ցավում ա, ի՞նչ պըտի անենք:

— Դե դրադ նստի,— ասում ա,— ես կէփեմ հացը:

Հացը էփում են, ուտում, խմում ու քնում:

Առավոտը լիսանում ա, սրեն ընկնում ա Նաշար-Օղլուն: Դրանք էրկուսը էթում են ավ: Նաշար-Օղլին օջաղը վառում ա, հացը էփում ա, պրծնում ա, մին էլ տենում ա էն կշտիցը օխտը թիզ միրքավորը, մի թիզ բոյավորն էկավ: Նաշար-Օղլին ասում ա.— Տղերանց գլխացավն էկավ:

Օխտը թիզ միրքավորը գալիս ա. ասում.— Բա՛րե քեզ, Նաշար-Օղլի:

Նաշար-Օղլին ասում ա.— Բարով էկար:

— Հը՛,— ասում ա,— ի՞նչ ես ասում:

Ասում ա.— Ինձ հաց տու ուտեմ, սոված եմ:

Նաշար-Օղլին տեղիցը վեր ա կենում, մի սիլլա տալու քիմի վեր ա քցում, ասում.— Ա՛ռ քեզ հաց:

Շատ զիլ ծեծում ա, տանում ա դրադին, մի ծառից միրուքը ղայիմ փաթաթում, կապում, ինքը էթում թինկը տալի մնում:

Տղեքը հանդիցը գալիս են, տենում են որ էսօր մոլիս չկա:

— Վա՛յ,— ասում են,— Նաշար-Օղլին մեռել ա, մենք էլի սիլլին դիմացանք: Գալիս են, տենում են Նաշար-Օղլին ըսենց թինկը տոված ա:

Նաշար-Օղլին ասեց.— Ձեր գլխացավը ըսօր էկել չի, բա ո՞նց պըտի ըլի:

Տղերքն ասեցին.— Նաշար-Օղլի, դրուստ չի էկե՞:

Ասեց.— Ո՞վ էր, որ պըտեր գար:

Ասեցին.— Ա՛յ տնաշեն, էն օխտը թիզ միրքավորը, մի թիզ բոյավորը գալիս էր մեզնից հաց ուզում, ուտում էր, եննա էլ վեր էր կենում մեզ սիլլա տալի, հացերը թոփ ածում, տանում:

Նաշար-Օղլին ասեց.— Հըմի որ տենաք, կճանանչե՞ք նրան:

— Խի՞ չենք ճընանչի:

— Դե էկե՛ք, էթանք տեհենք:

Գնացին տեհան էտ անիրավը իր միրքովը էտ ծառը քոթահան ա արեւ, առեւ գնացել:

Նաչար-Օղլին ասեց.— Ոչինչ չկա, ախպերտինք, ծառի իղը մեղ կտառի նրա մոտ. հացը ուտենք, իղը բռնենք էթանք:

Նստեցին հաց կերան, վե կացան իղը բռնեցին, քամակիցը գնացին: Գնացի՛ն, դեմ էլան մի էրի, տեհան ծառը մնացել ա զըրսեւ, ինքը նի ա մտել նեքսեր:

Նաչար-Օղլին ասեց.— Ախպերտինք, դե հըմի ըստեղ ա, որըդ սիրտ կանեք՝ նի մտենք սրան հանեք:

Ջեյրան բռնողն ասեց.— Ինձ կախ արեք, ես կմտնեմ, կհանեմ: Պարանը քցեցին կռնատակիցը, կախ արին:

Մի քիչ կախ արին, ասեց.— էրվեցի՛, կրակվեցի՛, ինձ քաշեք:

Քաշեցին դուռ: Քարափ քցողն ասեց.— Այ, քո տղութինդ քեղ խռով, ի՛նձ կախ արեք:—Քարափ քցողին կախ արին. էն էլ ասեց.— էրվեցի՛, վառվեցի՛, ինձ հանեք:— Նրան էլ հանեցին:

Նաչար-Օղլին ասեց.— Ինձ կախ արեք, որ ասի՛ վառվեցի՛, կրակվեցի՛, չը հանեք:— Նաչար-Օղլուն կախ արին, ինչքան ասեց. «էրվեցի՛, կրակվեցի՛» չը հանեցին: Գնա՛ց էրի տակին վեր էկավ: Ընկավ էտ էրի մեշը ման լկավ. տեհավ, որ էրի մի դրաղի՞ն օխտը թիզ միրքավորը գլուխը դրել ա էն ախշկա ծնկին, քնել ա:

Նաչար-Օղլին մոտ գնաց, բարով տվուց:

Ախշիկն ասեց.— Բարո՞վ, հազար բարի, Նաչար-Օղլի, դու ըստե՛ղ:

— Ի՞նչ ես զարմանում, Հըմի ի՛նչ անեմ, թուրը քաշեմ, տամ սըպանե՛մ:

Ասեց.— Ծս որ ըստե նստած եմ, տալ մի՛, մի բարց տուր դնեմ գլխատակը, ես վե կենամ, եննա դու գիտաս:

Նաչար-Օղլին բարցը տվուց, ախշիկը դուռը գլխատակը, տեղիցը վե կացավ, հեռացավ:

Նաչար-Օղլին ասեց.— Հըմի քնած տամ սըպանեմ նամարգու-թուն կըլի, վե կացնեմ, նոր տամ:— Ինչ թահըր բրթեց, շվեկացավ, թուրը հանեց, նրա կրնկի մեշը կոխեց պտըտեց, նոր աչքը բաց արեց, տեհավ Նաչար-Օղլին ա, էլ ետ աշկը խփեց:

Ասեց.— Վե՛ր, նա՛մարդ, խի՞ ես քնըմ:

Ճարը կտրվեց վե կացաւ: Էրկուսը առան իրար, Նաչար-Օղլին շլինքը սլորեց, տակը դրեց, քաշեց թրով շլինքը կտրեց: Խեղճ ախ- շիկը սըպռեւ, պատին էր կպել: Տեհա՛վ Նաչար-Օղլին սըպանեց նրան, սիրտ առաւ, էկա՛վ փաթըթվա՛ւ նրան:

Ասեց.— Նաչար-Օղլի, հըմի արի, սրա հարստութունը տե՛ս:— Տարա՛վ մեկ-մեկ շանց տվուց, էլ աշխարքը՛մը ապրանք, խալի-խա- լիշա, փող չէր մնացել, թալանե՛լ ղերել, կիտել էր ըտեղ:

Նաչար-Օղլին ինչ կա՛ հա՛վաքեց, ղերեց ծակի աղաքը, ձեն տվուց իրա ընկերներին, ասեց.— Տղեք, պարանը կախ արեք:—Ապ- րանքը կախեց պարանիցը, քաշեցին տղեքը:

Ախշիկն ասեց.— Նաչար-Օղլի, արի քեզ քաշեն հանեն, եննա դու ինձ կհանես:

Նաչար-Օղլին ասեց.— Զէ, հըլա քեզ հանեն, եննա ինձ կհանեն:

— Տե՛ս,— ասեց ախշիկը,— ինձ տենողը քեզ չի հանիլ. արի դու դուս արի, եննա էլ ինձ դու կհանես:

— Ա՛յ ախշի,— ասեց,— ըտենց բան չի ըլի, նրանք իմ լա՛վ ախպերտինքս են, ինձ ըստեղ չեն թողալ:

Ասեց.— Նաչար-Օղլի, դու գիտաս, բան ա, որ քեզ չհանեցին, հրեն էն օթախը՛մը իրեք ողջ կա, մինը սև ա, մինը՝ կարմիր, մինը՝ սիպտակ. դայրաթ կանես, քեզ կքցես սևի վրեն, սևը կքցի կարմրի վրեն, կարմիրը կքցի սիպտակի վրեն, սիպտակը կհանի քեզ լիս աշխար:

Ախշիկը քաշեցին հանեցին. տղեքը տեհա՛ն, որ լիսն էրեսիցը կաթը՛մ ա, մասլահաթ արին, որ Նաչար-Օղլուն չհանեն, մինը ախ- շիկը վեր ունի, մինն էլ՝ մալ ու դովլաթը: Էնքան Նաչար-Օղլին ձեն տվուց.— Ա՛խպերտինք, ինձ հանե՛ք ֆորիցը,— մինն էլ ա հ՛անգաջ շարին:

Նաչար-Օղլին սրտի հերսից գնաց դըրա դոշերը. գնաց շշկու- թունից իրան քցեց սիպտակի վրեն, սիպտակը քցեց կարմրին, կար- միրը քցեց սևին, սևը տարա՛վ մութ աշխար:

Նաչար-Օղլին էտ մութ աշխարքը՛մը գնաց, շատ ու քիչը աստ- ված գիտա, գնաց տեհա՛վ մի ծեր հալիվոր իրեք ճամփի մեջ նըս- տած ա:

Ասեց.— Բարի օր քեզ, ա՛յ բարի:

Ասեց.— Հազար բարին էկար, ո՛րթի:

Ասեց.— Բա՛րի, ջան, դարիք մարթեմ, էս իրեք ճամփից ո՞րն ա դըբա լիս աշխարհ չըլմ:

Ասեց.— Ո՛րթի, դու ո՞ր երկրացի ես, որ լիս աշխարհ ես հարցընըմ:

Ասեց.— Բա՛րի, ես լիս աշխարհիցն եմ, Նաշար թաքավորի տղեն եմ:

Բարին ասեց.— Վա՛յ, խեղճ տղա: Որթի, էս աշու կռանդ ճամփով կէթաս. էնքսն կէթաս, մի պառավ կնիկ, մի շոր քարափի վրեն նստած լաց ա ըլըմ, նրա մինուճար տղեն եռեսուն տարի ա կորել ա, նրա հրմար լաց ա ըլըմ, կէթաս էն պառավի ոնենը կընկնես, կասես. «Նանի ջա՛ն, քու մեկուճար տղի արևը սիրես, ինձ մի ճամփա շանց տու, էթամ լիս աշխար: Ես էլ քու տղի պես մինուճար եմ»: Դե գնա՛, աստված քեզ հետ, էն պառավը մի բան կասի:

Տղեն ընկավ ճամփա ու դնաց: Շատ ու քիչը աստված դիտա, տեհավ մի շոր քարափի վրա մի կնիկ նստած լաց ա ըլըմ: էտ պառավին բարով տվուց ու լաց էլավ, ընկավ ոնենը: Ասեց.— Նանի ջա՛ն, քու աստծու սիրու խաթեր, ինձ մի ճար արա, քու մեկուճար տղի արևը սիրես, ինձ մի ճար արա: Ես էլ եմ մինուճար, լիս աշխարի ճամփեն ջա՛նց տու ինձ:

Ասեց.— Բա՛յ ա՛յ որթի. ես ի՛նչ ճամփա շանց տամ քեզ:— Ասեց.— Ա՛յ որթի, գնա՛, առաշիդ մի մեծ մեշա կա, ըտեղ մի մեծ ծառ կա, էտ ծառի վրին մի Զմբուռ դշի բուն կա. Զմբուռ դուշը էն բնումն ա. էս իրեք տարի ա նրա ոտը յարա ա, նրան ուրիշ դշեր են բան բերում տալի՝ ուտըմ ա, թե կարաս առանձին նրա ոտի յարեն փլցնես, ընենց որ դուշը քեզ չըտենա, որ բլեց՝ յարեն կղինջանա, քեզ ձեն կտա: Կասի. «Ո՞վ եք, ինս եք, ջինս եք, ֆողածին եք, հրեղեն եք, դուս եկեք, ինչ ուղում եք՝ կտամ»: Նոր դու նրա աշկին կեռես, նա կհանի լիս աշխար քեզ:

Տղեն պառավիցը շնորակալ կրլի ու ճամփա կընկնի կէթա: Կէթա էտ մեշի միշովը՝ ընշար էտ մեծ ծառին ռաստ կգա: Մտիկ կանի, կտենա, դրուստ որ, ահագին Զմբուռ դուշը ըտեղ մալամիշ ա ըլըմ: Կէթա մի երկա՛ր ձող կկտրի, կքերի իրա դանակը կկասի էտ ձողու ծերիցը, ծառիցը մխելի հեռու մի փոս կքանդի, կգա ծառի տակը կկաննի ու ձողին կմեկնի. յարին դանակով կտա: Տալու պես յարեն կփլշի, ինքը կփախչի, կմտնի էն փոսի մեշը: Ղուշն իրան փարալամիշ կանի, ծառի ճղերը կշարթոտի, շորս զրաղը թամաշ կանի, որ

մարթ ընկնի ձեռը՝ փարշա-փարշա անի։ Մի քիչ եննա ոտը կդին-
ջանա. կասի. «Օխա՛յ, ոտս դինջացավ, ինս եք, չինս եք, ֆողածին
եք, հրեղեն եք, ինչ որ ուզեք՝ կտամ»։

Տղեն ֆողից դուս կդա, կասի.— Ես եմ արե, Ձմրո՛ւտ դուշ,

կասի.— Շը՛, հողածին, ասա տենեմ, ի՞նչ ես ուզեմ՝ տամ։

Ասեց.— Ուշինչ բան եմ ուզում, ինձ հանես լիս աշխար։

— Այ հա՛յ,— ասեց,— մի տարի առաչ էկած ըլիի։ — Ասեց.
— Տղա՛, ըտեղ մի մոտիկ գեղ կա, համաշա միս են մորթում, գնա՛,
օխտը դուշի դմակ առ բն։

Տղեն գնաց էտ գեղը, օխտը դուշի դմակ առավ, բերեց ղըշի կուշ-
տը. Ղուշը թևերը փռեց, նստեց։ Նաչար-Օղլին դմակը վրին դարսեց,
ինքն էլ նի էլավ, միշկին նստեց։

Ասեց.— Դե, ես թռչում եմ, ինչդար ղու ա՛նեմ, մի դմակ կբցես
բերանս։

Ամեն ղու ա՛նելիս մինը քցեց, էկավ վերլի դմակը ձեռիցն ըն-
կավ գետինը։ Մեկ էլ ղու արուց՝ դմակ չկար, ձեռը քցեց իրա փա-
փուկ մսիցը պոկեց ու քցեց բերանը։ Ղուշը տեհավ դմակը փոխվեց,
էս ուրիշ բան ա, լիզվի տակին պահեց, ընչար հանեց լիս աշխար,
ընտեղ վեր էկավ։

— Շը՛,— ասեց,— տղա՛, դե գնա, լիս աշխարն ա, գնա քու
մուրադին հասի։

Տղեն ուղեցավ որ էթա, չկարացավ էթա։

Ասեց.— Դե ա՛րի, արի,— հանեց լիզվի տակիցը միսը, դրուց
տղի պոկած տեղը, ասեց.— Իմ բմբից մինը պոկա, թքոտա քսա,
կլավա՛նա։ — Տղեն բմբիցը մինը պոկեց, թքոտեց, քսեց յարին, լա-
վացավ, վերկացավ գնաց։

Գնաց, գնաց, շատն ու քիչը աստված գիտա, գնաց հասավ էլ էն
զադի առաչը, տեհավ, որ իրա էրկու հընգերը, էն ախշիկը ընտեղ
են, գնաց բարով տվուց նրանց։

Նրանք էլ բարովն առան, մինը մնին ասեց.— Աղա՛, կասես էս
Նաչար-Օղլին ըլի։ — Լն մինն էլ ասեց.— Չէ՛, նա ո՛րտեղ ա ընկել,
որ դուս գա։

Նաչար-Օղլին ասեց.— Բարեկամնե՛ր, ի՞նչ բան ա, որ դուք
ըտեղ կաննել եք։

Նրանք ասեցին.— Ախպե՛ր, դարիբ մարթ ես, պատահել ես ըս-
տեղ, էս մալ ու դովաթը, էս ախշիկը էրկսիս մեշտեղն ա, հըմի սա-

զըմ շենք. ես ասըմ եմ. «Մալ ու դովլաթը դու վե կալ, ախշիկը՝ ես»,— Նա ասըմ ա. «Զէ՛, համ պըտի մալ ու դովլաթը կիսեմ, համ ախշիկը»:

Ասըմ ա.— Էտ մալն ու դովլաթը ու ախշիկը ձեզ ո՞րտեղան ա: Ասըմ են.— Ախպե՛ր, քեզ դուզն ասենք, էս մալն ու դովլաթն էլ, էս ախշիկն էլ Նաշար-Օղլունն ա, էտ մարթը նի մտալ էս էրի մեշը, էտ մալն էլ, էս ախշիկն էլ ընտեղից հանեց, մենք էլ նամարդութուն արինք, նրան թողեցինք էտ ֆորի մեշը, հըմի մենք էլ սազըմ շենք, յուա շենք էթըմ:

— Բա էտ ձի՞ն,— ասեց:

— Էտ ձին էլ ա նրանը:

Ոտը դրուց ձիու զանգուն, նի էլալ ձին, ասեց.— Ես ո՞վ եմ, ջեյրան բռնող:

Թե.— Վա՛յ է՛, Նաշար-Օղլին ես:

— Դե,— ասեց,— նամարդներ, շեմ ուզըմ ձեզ սըպանեմ, դուք արիք, ես շեմ անի, առեք էս մալ ու դովլաթը ձեզ, ես վեր ունեմ էտ ախշիկը, էթամ հասնեմ իմ մուրազին:

Վե կալալ ախշկանը, ընկալ ճամփա ու զնաց: Մնացել ա մի օր, որ քառասուն օրը թըմամի:

Դեերի հինգ ախպերը ասըմ են.— Միրզա-Վալուն սըպանենք,— պուճուր ախպերը թողըմ չի, ասըմ ա.— Բող քառասուն օրը թըմամի, եննա:

Պուճուր ախպերը նի էլալ ամարաթի կտուրը, տեհալ հեռվանց մի թոզ ու դուման ա գալի, վեր էկալ ախպորտանցն ասեց.— Ա՛յ ձեր տունը քանդվի, Նաշար-Օղլին էկալ, վեր՛եք Միրզա-Վալուն ազատենք ըտեղան:

Վե կացան շշկլած, Միրզա-Վալու պարանը քանդեցին, տարան մեկ էրկու կուժ ջուր լցրին վրեն, լեղացրին, ձեթըմը կորած էր, շոբերըն էլ փոխեցին, տարան վիրի դիհը նստացրին:

Էկալ Նաշար-Օղլին, մոտացալ ամարաթին, վեց ախպերն էլ վազեցին դրա առաջը.— Բարո՛վ, հա բարո՛վ, հազա՛ր բարով, ամեն փորցանքից ազատ,— բարովեցին Նաշար-Օղլուն էլ, փլորն էլ, տարան նեքսե:

Նաշար-Օղլին ասեց.— Ա՛յ տղեք, բա Միրզա-Վալին ո՞ւր ա:

Ասեցին.— Մի քիչ նաշաղացել ա:

Գնացին նեքսե, տեհան որ Միրզա-Վալին թեք ընկած տնքըմ ա:

Նաչար-Օղլին ասեց.— Միրզա-Վալի, էտ ի՞նչ ես էլեկ:

Ասեց.— Օ՛ֆ, չեմ իմանում, գլուխս ցավում աս:

Դեերի պուճուր ախպերը տեսավ, որ Միրզա-Վալին էտ բանը պըտի հայտնի, առաչ ինքը հայտնեց:

Ասեց.— Նաչա՛ր-Օղլի, որ օրը որ դու տանիցը դուռ ես էկեկ, էն օրն,— ասեց.— իմ ախպերտի՛նքը սրան շինեկ ին ճրաքթաթ ընչանք էսօր, հենց նոր ա հետ ենք արեկ: Հինգ օր առաչ ուզում ին փչաց-նեն, ես չեմ թողեկ, հրեդ քո ախպերն ա, հարցրու տես:

Նաչար-Օղլին ասեց.— Միրզա-Վալի, հա՛, ըտե՛նց ա:

Ասեց.— Ըտենց ա՛:

— Դե,— ասեց,— վե կաց տեղիցդ:

Դեերի պուճուր ախպորն ասեց.— Գնա՛, ձիանը թամբա, մի ձի էլ քու հըմար թամբա, ա՛յ տղա:

Տեղիցը կաննեց ինքը, ասեց.— Ես էս տան շորս պատերիցն եմ շնորակալ, ոչ թե ձեզանից, որ դուք էս վատութունն իմ լավու-թունի առաչը բերիք,— ասեց ու իր ձին ինքը նի էլավ, մի ձի ախ-չիկը նի էլավ, մի ձի՝ Միրզա-Վալին, մի ձի էլ՝ պուճուր ախպերը ու ընկան ճամփա, գնացին դըրա իրա հօր տունը:

Գնացին, մի վայրենի մեշի թուշ էլան: Տեսան էտ մեշի գլխիցը մի ջեյրան փախավ, ընկավ մեշեն: Նաչար-Օղլին ձին քշեց դրա քա-մակը. գնա՛ց, էտ ջեյրանը մի էրի մեշ մտավ կորավ:

Նաչար-Օղլին ձին կապեց ծառիցը, թուրը քաշեց ու գնաց դըրա էրը: Գնաց տեսավ որ մի պառավ, մի մեծ թեշիկ մանում ա, մի մեծ արճիճ քցել ա բերանը ծամում ա, ասեց.— է՛յ քավթառ, ջեյրանս էկավ ըստեղ, տեղն ասա:

Ասեց.— Քավթառը հերդ ու մերդ ա. էն ա, էն զաղեն մտավ, գնա հանա տար, էլ ինձ ինչի՞ ես ըտենց ասում:

Նաչար-Օղլին գնաց էն մի զաղի մեշը, որ քթնի ջեյրանին, տե-հավ ջեյրանը դառել ա մի հուրի-փերի ախչիկ, դեը դրեկ ա գլուխը ձնկանը, քնեկ ա:

Բարով տվուց ախչկանը, ասեց.— Ախչի, ջեյրանը էկավ մտավ ըստեղ ի՞նչ էլավ:

Ասեց.— Սո՛ւա, սո՛ւա, Ջեյրանը ես եմ, դեը կզարթնի, մենձ թի-քեդ անգաջդ կթողա:

Ասեց.— Դուռ գնա, հըմի զաղի դուռը շարեցին, որ քեզ սըպա-

նեն: Գնա առաչ էն շարող պառավին սրպանի, եննա արի սրան սրպանի:

Նաչար-Օղլին դուս էկավ դուռը, տեհավ պառավը ահագին քա-
րափներ բերում ա, դուսն ա դեմ անըմ:

Նաչար-Օղլին ասեց.— Պառավ, էտ ի՞նչ ես անըմ:

Ասեց.— Պառավ է՛լ, պառավի տղա էլ, ֆողեմ գլուխդ, ես ինձ
հըմար հաղ շանեմ, թե դու՝ ի՞նչ ես անըմ:

Նաչար-Օղլին թուրը հանեց ու տվուց պառավին:

Պառավն ասեց.— Վա՛յ, թիկունքդ գեննի՞ն մաշի, տարավ իմ
Զեյրանին,

Պառավը փչացավ. Նաչար-Օղլին ետ դառավ, գնաց Զեյրանի
կուշտը, ասեց.— Զեյրա՛ն, բա ի՞նչ անեմ:

Ասեց.— Նաչար-Օղլի, էտ թրովդ սրան շես կարա սրպանի, սրա
ֆոքու թուրը էն ա՛, էն կպրե կարասի մեշն ա, գնա էն թուրը հանա,
բեր տուր դրանով սրպանի:

Նաչար-Օղլին գնաց ձեռը քցեց թրին, քաշեց, քաշեց մեկ ան-
քամ՝ շէկավ, մեկ էլ աստված կանչեց ու քաշեց՝ մի քիչ տեղիցը
եռաց, մըն էլ քաշեց՝ թուրը զրնգալեն դուս էկավ, բերուց:

Զեյրանն ասեց.— Տղա, մի՛ անքամ կտաս, որ կասի՝ Մեկ էլ
տո՛ւ, շես տա, կասես. «Մորիցս մին եմ ըլել»:— Ախշիկը դեկ գլու-
խը վե դրուց ու հեռացավ:

Նաչար-Օղլին թուրը քաշեց ու տվուց:

Դեն ասեց.— Օխա՛յ, կռներիդ դուրբան, մեկ էլ տուր:— Նա-
չար-Օղլին ուզըմ էր մին էլ տար, Զեյրանը վազեց, կուռը բռնեց:

Ասեց.— Զէ՛, մորիցս մին եմ ըլել, շեմ տալ:

Դեն ասեց.— Վա՛յ, քու սարվացնողի մեշկը կտորի,— ու շո-
րացավ:

Զեյրանն ասեց.— Դե արի, Նաչար-Օղլի, մալ, դովլաթ, խապնա
սրան ունի, բարցա տար:

Զիանը բարցեցին, ախշիկն ու տղեն նի էյան գնացին: Գնացին
էնտեղ, որ Միրզա-Վալին, ախշիկն ու դեը կաննած իրեն են մտիկ
տալի, Ըստեղ նոր էկան Զեյրանին բարենեցին, ծանոթացան:

Նաչար-Օղլին ասեց.— Միրզա-Վալի, էս ախշիկը քեզ, էս Զեյ-
րանն էլ ինձ, մինն էլ մեր հոր քաղաքումը կթնենք մեր դե ախպո-
րը:— Ասեցին ու ընկան ճամփա գնացին դըրա իրենց հոր տունը:

Մին օր, էրկու օր գնացին, հասան իրենց հոր հանդին, տեհան հանդըմը հրեա մի մարթ շուր ա անըմ:

Նաշար-Օղլին ասեց.— Ա՛յ մարթ, արի քեզ փող տամ, գնա թաքավորին ասա. Վշկդ լիս, քու տղեն, քու ախպոր տղեն հրեն դալիս ենք:

Էտ մարթն ասեց.— Վա՛յ, քու հեր թաքավորը էնքան ծերացել ա, որ ա՛շկերըմը լիս չկա. էնքան ա, որ թախտըմը նստած ա.— Մարթը գնաց աշկալիսեք տարավ. թաքավորը իրա զորք-զորապետը դրկեց տղի աղաքը: Էկան դափով, զուռնով, նայով, սազով, դամով ուրախութեան անեով տարան թաքավորի պալատը:

Թաքավորը տեղիցը վե կացավ, կուտը բռնեցին, գնաց տղի առաջը, ճակատը պաշեց, հարսին օրհնեց, տարավ նեքսե:

Հէքսի օրը մի ախշիկ էլ դեի հըմար քթան, օխտն օր, օխտը՝ քշեր հարսանիք արին, իրեքին էլ պսակեցին, Նաշար-Օղլուն էլ դրին իրա հոր տեղը թաքավոր: Միրզա-Վալին էլավ նազիր, դե Ասլանն էլ էլավ վազիր:

Նրանք հասան իրանց մուրազին, դուք էլ հասնեք ձեր մուրազին:

